

Javne konsultacije u vezi Strategije IPP FBiH za period 2023. – 2027. godine

18.04.2023 22:13



Federalna uprava za geodetske i imovinsko – pravne poslove (FGU) kao koordinacijsko tijelo infrastrukture prostornih podataka Federacije BiH – IPP FBiH (članak 26. Zakona o infrastrukturi prostornih podataka Federacije BiH (“Službene novine Federacije BiH”, 55/21) i odgovorna institucija za izradu Strategije infrastrukture prostornih podataka Federacije BiH sukladno odluci Vlade Federacije BiH (V. broj: 1077/2022 od 14.07.2022. godine), **pokreće javne konsultacije o strateškom dokumentu u sklopu izrade Strategije infrastrukture prostornih podataka Federacije BiH 2023. – 2027.**

Javne konsultacije se provode sukladno principima definiranim Uredbom o izradi strateških dokumenata u Federaciji Bosne i Hercegovine, te sukladno Projektnom zadatku za izradu Strategije infrastrukture prostornih podataka Federacije BiH, a sve u cilju pribavljanja dodatnih informacija od zainteresiranih strana. Javne konsultacije se provode i s ciljem osiguranja horizontalne i vertikalne koordinacije u procesu izrade strateških dokumenata, ostvarivanja partnerstva, te u cilju javnosti i transparentnosti tijekom izrade strateškog dokumenta. Konsultacije će za ovu fazu trajati 30 dana, odnosno od 18.04.2023. do 18.05.2023. godine.

Komentari se dostavljaju na kontakt email: ipp.fbih@fgu.com.ba uz obvezno uključivanje narednih informacija:

1. Ime i prezime
2. Kontakt email
3. Naziv institucije/pravnog subjekta ili naznaka da se isti dostavljaju u ime privatnog subjekta
4. Jasne naznake na koji dio dokumenta se komentari dostavljaju

Ovim putem također obavještavamo i pozivamo sve zainteresirane strane da se **18.05.2023. godine u 11:00 sati** pridruže javnoj raspravi/sastanku u cilju pribavljanja mišljenja i komentara na nacrt Strategije IPP FBiH za period 2023. – 2027. godine.

Sudjelovanje na javnoj raspravi/sastanku moguće je ostvariti uživo u prostorijama Federalne uprave za geodetske i imovinsko – pravne poslove (dvorana za sastanke, 3. kat) ili online koristeći URL [Javne konsultacije](#) za registraciju prisustva, nakon čega će biti dostavljen URL za pristup.

Za sve ostale informacije molimo da se obratite sa zahtjevom na email: ipp.fbih@fgu.com.ba.

Navedenu Strategiju možete preuzeti putem linka ispod:

[STRATEGIJA](#)